

**Տ. ՆԵՐՍԵՍ ԱՐԶԵՊԻՍԿՈՊՈՍ ՊՈԶԱՊԱԼՅԱՆԻ
ՔԱՐՈՋԸ՝ ԽՈՍԿԱԾ ՍԱՅՐ ՏԱՃԱՐՈՒՄ
ԱՄԱՆՈՐԻ ԱՌԻՅՈՎ
(1 հունվարի 1999 թ.)**

*«Մի՛ երկնչիր, հօտ փոքրիկ,
գի հաճեցաւ Չայր ծնր տալ ծեց
գարջայութիւն»:*

(ԴՈՒԿԱՍ ԺԲ 32)

«Յանուն Չօր եւ Որդւոյ եւ Չոգւոյն Սրբոյ, ամեն»:

Նոր տարվա շեմին, երբ կխորհրդածեի այսօրվա քաղաքի մասին, իմ մտքում հայտնվեց Ավետարանի այս խոսքը. «Մի՛ վախենար, հոտ փոքրիկ՝ փոքրիկ ժողովուրդ, որովհետև երկնավոր Չայրը հաճեցա՞վ ծեց տալ Իր արքայությունը»:

Աշխարհի վրա չկա ավելի թանկ բան, քան աստվածային արքայության արժանանալը, հատկապես փոքր ժողովուրդների համար, որոնք միշտ տարաբախտ, միշտ անարդարության ենթարկված, հալածված, սովի մատնված, աքսորված և զանազան բռնությունների ենթարկված մարդիկ են եղել: Մի քանի տասնյակ տարիներ առաջ աքսորն էր բռնանում մեզ, Չայաստան աշխարհը տակավին չուներ իր ազատությունը, և հայերը հալածական մի ժողովուրդ էին դարձել: Այդ հալածանքը մեծապես ազդել է մեր ժողովրդի բարոյահոգեբանական վիճակի վրա: Չայերը միայն, Քրիստոսից առաջ, առաջին դարում են ունեցել աշխարհակալ մի թագավոր՝ Տիգրան Մեծը, սակայն հետագայում մենք միշտ, իբրև փոքրիկ ժողովուրդ, հալածական ենք մնացել արևելքի և արևմուտքի միջև, հռոմեական, ապա բյուզանդական կայսրությունից մինչև պարսկական տիրապետություն: Երկու հսկա ուժերի միջև միշտ եղել ենք տառապող ժողովուրդ:

Երբ իսլամը յոթերորդ դարում աշխարհ եկավ, Չայաստանը ենթարկվեց արաբական արշավանքի: Չայ ժողովուրդը շուրջ երեք հարյուր տարի մնաց բռնության ներքո: Բագրատունյաց իշխանության օրերին Կենտրոնական Ասիայից նորից մոնղոլ-սելջուկյան հորդանքերը եկան՝ Չայաստանը բռնատիրելու և հայ ժողովրդին զրկելու ազատությունից: 11-րդ դարում կորցրեցինք Անիի թագավորությունը, մայրաքաղաքն ընկավ, և հայ իշխանավորները ճանապարհի բռնեցին դեպի արևմուտք և հիմնեցին Կիլիկիո Ռուբինյան իշխանությունը, որը տևեց մինչև 1375 թվականը: Ապա նորից մնացինք իբրև հալածական՝ մերթ իրանյան, մերթ օսմանյան իշխանության ներքո:

600 տարիների ընթացքում հայ ժողովուրդը միշտ էլ իր հոգում սնուցել է ազատության և անկախության երազը: Արշակունյաց իշխանության կորստից հետո, Սահակ Պարթև Չայրապետից մինչև Չակոբ Ջուղայեցի, Ներսես Աշտարակեցի և մյուս բոլոր Կաթողիկոսները, մինչև Գարեգին Առաջին, միշտ մտածել և մտահոգվել են հայ ժողովրդի ազատության, անկախության և ինքնաճանաչողության հարցերով: Չատկապես Ներսես Աշտարակեցի Կաթողիկոսը մեծ աշխատանք տարավ, որպեսզի հնարավոր լիներ Չայաստանի անկախացումը:

1915-18 թթ. դարի մեծագույն հալածանքն ու ցեղասպանությունը տեղի ունեցավ Արևմտյան Հայաստանում, ուր մեկուկես միլիոն հայեր զոհվեցին և աքսորվեցին, իրենց արյունը հեղեցին վասն արդարության և վասն ազատության: 1918 թվականին օսմանցիներն այս անգամ զենքերն ուղղեցին դեպի Արևելյան Հայաստան՝ հայոց մնացորդացը ևս ջարդելու, սակայն հանդիպեցին հայի ազատ կամքին: Մեր հայրերը Սարդարապատում, Բաշ-Ապարանում և Ղարաքիլիսայում կարողացան իրենց արյան գնով, իրենց միասնակամությամբ, իրենց հայրենասիրությամբ ընդդիմանալ և թուրքական հորդաներին ետ շարտել հայկական սահմաններից:

Հայ ժողովուրդը որոշ ժամանակ ազատություն ստացավ: Այդ տարիներին Հայաստանը շենացավ ու վերակառուցվեց, հնարավորություն ունեցավ ինքն իրեն վերագտնելու, փյունիկի նման մոխիրներից վերակենդանանալու, վերընծալովելու, և ութ տարիներ առաջ հնարավորություն ստացավ անկախանալու, ազատ ու անկախ հանրապետություն կոչվեց:

Այսօր, երբ մայրաքաղաքի Հանրապետության իրապարակի կառավարական շենքի վրա Հայաստանի դրոշն է փողփողում, հպարտությամբ են լցվում մեր սրտերը, մանավանդ նոր տարվա այս առավոտյան՝ հիշեցնելով մեզ, թե որքան-որքան զոհողությունների գնով հնարավորություն ունեցանք ազատություն ու անկախություն ունենալ: Կարդացեք, սիրելիներ, խաչատուր Աբովյանի, Խրիստյան Հայրիկի, Նալբանդյանի և այլոց գործերը՝ տեսնելու համար, թե ինչպիսի մերքին մղում, սեր ունեին նրանք Հայաստանի անկախացման համար: Այսօր նրանց երազանքն իրականություն է, և փառք ենք տալիս Աստծուն, որ առանց արյան մեծ հեղման այս ազատությունը և անկախությունը մեզ պարգևվեց: Հայաստանը Հայրենիքն է ողջ հայության «ի Հայաստան և ի սփիւռս աշխարհի և յԱրցախ»: Այս գիտակցությամբ պետք է մոտենանք մեր այսօրվա իրականությանը: Յուրաքանչյուրս, թե Հայաստանում, թե՛ Սփյուռքում, մեր մասնակցությունը պետք է բերենք Հայաստանի անկախության կերտմանը:

Հայաստանի համար իրենց զոհողությունն են կատարել մեր եկեղեցու բոլոր Եռամեծ հայրերը: Այսօր մենք ուրախ ենք՝ տեսնելով Հայաստանի անկախությունն ու ազատությունը, թեև նա տակավին կարիքն ունի տնտեսական բարվոքման: Այսօր նոր տարվա առաջին օրն է, ուրախությամբ են լցված մեր սրտերը, մեր մտքերը սլանում են դեպի հեռուները, դեպի մեր հայրապետների կատարած զոհողությունները, որոնք Սուրբ Ասիակի և Սուրբ Մեսրոպի ստեղծած գրերով մեր երկիրը և մեր ժողովրդին ազատեցին օտար ազդեցություններից: Այսօր, կանգնած այս Սուրբ հուրանին, զոհունակությամբ Աստծուն փառք տալով, բոլորիդ ասում են՝ շնորհավոր Նոր տարի, թող Աստված անսասան պահի 1700-ամյա Հայաստանյայց եկեղեցին և Հայոց Հայրապետին հնարավորություն տա՝ զոհունակությամբ տոնախմբելու Հայաստանյայց Առաքելական եկեղեցու հաստատման 1700-ամյակը: Մեր սրտագին մաղթանքն է, որ Աստված առողջություն, երկար տարիների կյանք պարգևի Հայոց Հայրապետին: Մաղթում են մեր բոլոր հոգևոր եղբայրներին և, սիրելի ժողովուրդ, ձեզ, ձեր հավատքի մեջ ամուր մնացեք: Թող նոր տարվա այս առաջին օրը աստվածային շնորհը լցնի մեր հոգիները երջանկությամբ, և թող 1999 թվականը բախտավոր տարի լինի, վերաշինության տարի լինի, որպեսզի կարողանանք փառքով ու պատվով տոնախմբել Հայաստանյայց Առաքելական եկեղեցու հիմնադրման 1700-ամյակը այժմ և հավիտյանս հավիտենից, ամեն: